



## KOMUNIKADO DI PRENSA

Fecha: 20 di yüli 2018

### Kolaborashon entre FTAC i CBCS

Fair Trade Authority Curaçao (FTAC) i Banko Sentral di Kòrsou i Sint Maarten (CBCS) a hasi palabrashon den un protokòl di kolaborashon, relashoná ku e forma kon nan lo por kompartí informashon i konosementu den ehkushon di nan trabounan.

A instituí FTAC, Basá riba e Ordenansa Nashonal konserniente kompetensia, pa supervisá i kaminda ta nesesario sòru pa kumplimentu ku regla relashoná ku kompetensia liber i outéntiko, den tur sektor ekonómiko di Kòrsou. FTAC ta aktua kontra kompania ku ta stroba, limitá òf falsifiká kompetensia.

CBCS, komo supervisor independiente, ta supervisá e sektor finansiero di Kòrsou i St. Maarten, a base di e statuto di Banko Sentral i e Ordenansa di Supervishon basá riba esaki.

A sera e kolaborashon pa interkambio di informashon i kolaborashon na benefisio di e tareanan di supervishon legal. Segun presidente di FTAC Alberto 'Chos' Romero: "Nos ta ta kontentu ku despues di a yega na un kolaborashon ku BT&P, awor nos por sera un kolaborashon ku CBCS tambe. Esaki lo ta na benefisio di supervishon i al final pa ekonomia di Kòrsou". Konforme direktor ekonómiko finansiero di CBCS José Jardim: "E protokòl di kolaborashon akí ta brinda e posibilidat pa, den bon konsulta, e dos instansianan por ehekutá nan tareanan. Esaki pa CBCS ta di importansia pa ehkushon efisiente di supervishon"

Den e protokòl di kolaborashon a pone palabrashon entre otro tokante interkambio di informashon, konsulta periódiko i e forma di prosedé den kaso ku tin posibel indikashon di kubrimentu parsial di ehkushon di tarea i hurisdikshon.

E protokòl di kolaborashon ta publiká riba tur dos página wèp. Pa mas informashon bishitá [www.ftac.cw](http://www.ftac.cw) i <http://www.centralbank.cw>.

---

#### Nota pa redakshon:

Pa mas informashon tokante e komunikado di prensa akí por tuma kontakto ku FTAC na +(599-9) 461-0067 / [info@ftac.cw](mailto:info@ftac.cw) òf CBCS na [cbcs@centralbank.cw](mailto:cbcs@centralbank.cw)